

Surat khabar: Utusan Sarawak (Utusan Sarawak)

Hari/Tarikh: 11/8/2016

Muka surat: 6

Tajuk : UNIMAS dan CoPS anjur bengkel tanah gambut

UNIMAS dan CoPS anjur bengkel tanah gambut

KOTA SAMARAHAN: Universiti Malaysia Sarawak (UNIMAS) dengan kerjasama Pusat Kecemerlangan Penyelidikan Pembinaan atas Tanah Gambut (CoPS) CREAM-CIDB menganjurkan 'Industry Roundtable Workshop (IRW): current practice and innovation for construction on peat soils tentative', bertempat di Rumah Universiti, UNIMAS.

Lebih 60 peserta terdiri daripada para jurutera, pengaralisa, penyelidik dan pakar-pakar geologi dari pelbagai agensi kerajaan dan industri telah menyertai bengkel selama sehari itu.

Hadir merasmikan bengkel ialah Dekan Fakulti Kejuruteraan, Profesor Madya Ir Dr Al-Khalid Haji Othman.

Dalam ucapannya, Dr Al-Khalid berkata bengkel tersebut dapat mengumpul pakar-pakar dalam bidang tanah gambut untuk berkongsi pengalaman dan ilmu mereka dengan harapan dapat mencari kaedah pembinaan yang lebih berkesan dan efektif di masa hadapan.

"Sarawak merupakan sebuah neg-

eri yang mempunyai banyak kawasan tanah gambut. Dalam kemajuan hari ini, sudah tentu banyak projek-projek pembinaan dilaksanakan dan antara masalah yang dihadapi adalah struktur tanah gambut.

"Oleh itu, adalah penting untuk kita memahami sifat kejuruteraan tanah gambut itu. Pemahaman itu penting untuk mengenal-pasti kaedah penstabilan dan pemberian kelemahannya bagi tujuan projek pembinaan," katanya.

Beliau turut berharap perkongsian ilmu dan pengetahuan dari para peserta bengkel dapat mencetuskan inovasi dan rujukan baharu dalam hal berkaitan tanah gambut, untuk kegunaan rujukan masa depan bagi pihak industri dan para akademik.

Katanya, malah ia juga dapat membantu kerajaan dalam mencari jalan-jalan penyelesaian yang lebih efektif berkaitan masalah tanah gambut sekali gus menjimatkan masa dan kos pembinaan.

Turut hadir Pengarah Eksekutif CREAM Ir. Dr. Hj Zuhairi Abdul Hamid.



KEPUTUSAN BERSAMA ... UNIMAS dan CoPS anjur bengkel tanah gambut.